

## BWEBWENATO KO JĀN KALLIMUR MOKTA ME REJ KATAKIN KŌJ KŌN MEJ AN KRAIST

Kōttōpar ko an katak in:

- Kwaļok bwe Anij ear plan kōn mej an Kraist jān jinoin Kallimur Mokta.
- Kwaļok bwe mej eo an Jisōs ear kajejjet naan ko ilo Kallimur Mokta.
- Kwaļok meļeļein bwebwenato ko ke rej kōmmeļeļe kōn Kraist.
- Kwaļok bwe mej eo an Jisōs wōt e maroñ lōmōḡoren armej jān nana ko aer.

Meļeļe ko reļap ilo katak in:

- Jen lo bwe ejjeļok juon men armej re maroñ kōmḡmane ñan kowānōk er.
- Jen lo bwe Anij wōt e maroñ kwaļok kilen lōmōḡ.
- Jen lo bwe mej an Jisōs wōt e maroñ lōmōḡoren kōj.
- Jen lo bwe jej aikuj tōmak ilo tokjān mej an Jisōs eļaññe je kōḡnaan lōmōḡ.

Ilo jinoin laļ in, armej raar jebwābwe jān Anij im jujen jepel jān E. Ak Anij e kōḡnaan kōllaajrak armej ñan E. Armej re jaje iaļ eo, bōtab ilo Kallimur Mokta Anij ear katakin armej elōñ men kōn iaļ ļok ñan E. Ilo katak in jenaaj lale jet iaan bwebwenato ko ilo Kallimur Mokta im lale wāween aer kwaļok bwe enaaj mej an Jisōs, Ri Lōmōḡ eo, me ej kōllaajrak armej ñan Anij.

### 1. Anij ear ḡan juon menninmour im kajerbal kilin ñan kōmḡman nuknuk ñan Adam im Iv.

- \* **Anij e kwōjarjar im wānōk. Ej ba bwe ro rej jerōwiwi rej aikuj in mej.**
- \* **Armej rej ri jerōwiwi. Ej aikuj Anij bwe e jab maroñ make lōmōḡoren e.**


Ke Adam im Iv raar jerōwiwi, raar kile ta kōn er make? Bwe re koleiāt.



*Jenesis 3:7 Im e peļļok mejeirro, im raar jeļā bwe re keelwaan; im raar āj bōlōk in wōjke fig im kōmḡman aer nuknuk.*

Anij ear ḡōḡḡō kake nuknuk ko raar kōmḡmani ke? Ear jab. Anij ear kōḡnaan katakin er bwe ejjeļok juon men rej kōmḡmane e maroñ kōllaajrak er ñan ippān Anij.

Anij e kōḡnaan bwe jen kile men in. Ad jar, mour juon mour eḡḡan, oḡake aikuj ko an baamle ko ad, pokake kien, jipān ro re jeramōl - men kein reḡḡan, ak re jab maroñ ukōt kōj jān ri nana ñan rū wānōk.



Jej aikuj joļok ad kajjioñ in make kowānōk kōj iḡaan Anij.


- \* **Anij e jouj im eḡḡan.**



*Jenesis 3:21 Im Jeova Anij ear kōmḡman ñan Adam im lio pāleen nuknuk jān kilin kidu, im*

*kanuknuk er.*

Anij ear make kōmman nuknuk ñan Adam im Iv. Men ko armej rej kōmmane, re jab bwe. Men ko Anij ej kōmmani, re bwe. Menninmour eo, ejjelok ruon, ak ear mej bwe en oñake aikuj eo an Adam im Iv.



Jej aikuj errā ippān Anij

- 1) bwe je nana im jermal ko ad re ban kowānōk kōj, im
- 2) bwe mej an Jisōs ioon debwāal eo, im men in wōt, ej

kōllā oñean jerowiwī ko ad.


**\* Armej rej aikuj tōmak bwe ren kabuñbūruon Anij im bōk lōmōor.**

Anij ear oñake aikuj eo an Adam im Iv, im Anij ej oñake aikuj eo ad kōn an Jisōs mej ilo jikōd.

**2. Anij ear bōk Ebel ak jab Kein.**



*Jenesis 4:3-5 Im tokālik, Kein ear bōktok men in joortak ñan Jeova, jān leen āne. [4] Im barāinwōt Ebel ear bōktok jān ko mokta im jān ko re matōk, jān bwijin kidu ko nejin. Im Jeova ear mōmōmō kake Ebel im joortak eo an; [5] A kōn Kein, im joortak eo an, Ear jab buñbūruon. Im Kein ear kanooj illu, im e mejān jememe.*



Kein im Ebel jimor raar kabuñ im katok ñan Anij. Etke Anij ear bōk men in katok eo an Ebel im jab eo an Kein?

Kōnke Ebel ear katok kōn menninmour im katōrlok bōtōktōk. Etke ej aikuj wor wāween in? Kōnke oñean jerowiwī mej. Etke Ebel ear kōmman men in? Kōnke ear tōmak men ko Anij ear ba.

Kein ear jab tōmak Anij, im ear kabuñ ilo wāween an kōnaan. Ear lōmṅak bwe enaaj bwe jermal ko an pein im men in jikin kallib eo.

Lamb eo me Ebel ear katok kake ej kakememej kōj kōn Jisōs Kraist. Kwōj kememej ke naan ko an Jon ri Peptaij ke ear lo Jisōs?



*Jon 1:29 Raan eo ilju Jon ej lo Jisōs itok ñan ippān im ba, “Lo, Lamb an Anij, Eo ej bōklōk an laḷ jerowiwī!”*

Anij ej bōk ro me rej tōmak E ke Ej ba bwe ej aikuj wor mej ñan kōllā oñean jerowiwī ko aer.

**3. Anij ear lōmōoren Noa im ro ilo wa eo.**


E kar āin de et an armej mour ilo tōr eo an Noa?



*Jenesis 6:5 Im Jeova ear lo bwe elap nana ko an armej ioon laḷ, im bwe lōmṅak otemjej i*

*būruon re nana wōt aolep iien.*

Kōn aer abwin pokake Anij, im raar jab tōmak naan eo jān Noa kōn raan in ekajet eo, Anij ear pepe in man er. E jimwe an Anij man er, bwe Ear kōmanman er, ak raar abwin kōttāik er nian E.



**\* Anij e kwōjarjar im wānōk. Ej ba bwe ro rej jerōwiwi rej aikuj in mej.**

Noa ear juon ri jerōwiwi barāinwōt, ak ear būromōj kōn nana<sup>o</sup> ko an, im ear tōmak Anij bwe Enaaj jilkintok juon Ri Lomōor nian kōllā oņean jerōwiwi ko an.

E kar jete kōjām in wa eo? Juon wōt. Ear wor juon wōt wāween deļoņ, im ewor juon wōt wāween deļoņ ilo aelōņ in Anij. Ro raar pād ilo wa eo, ejjeļok jorrāan nian er. Ro re pād ilo Kraist, ejjeļok ekajet nian er.



*Jon 5:24 E mool, e mool, Ij ba nian kom, Eo ej roņjake Aō in naan, im lōke Eo ear jilkintok Eō, an mour indeeo, im e jāmin itok ilo ekajet; a ear ilok jān mej nian lowaan mour.*

Aolep armej me raar jab ilo wa eo raar maļoņ. Jej aikuj tōmak bwe ewor raan in ekajet, im bwe jej aikuj kōņaan oktak jān ad nana im lōke Anij.



*Jon 14:6 Jisōs e ba nian e, “Ņa iaļ, im mool, im mour. Ejjeļok armej ej itok nian Jema, eļañņe jab kōn Eō.”*

#### **4. Anij ear kijoone moko imon ro ri Israel ilo Ijpt ke Ear lo bōtōktōk eo.**

Anij ear pepe in man maanje ro ilo Ijpt. Enaaj kar mej maanje ro an Israel barāinwōt, ak Anij ear kōmman juon wāween bwe ren maroņ in mour.

(1) Juon lamb im ejjeļok notaan.

Anij ear jiroņ ro ri Israel bwe ren bōk juon lamb me ejjeļok notaan (ejjeļok naņinmej ak kinej) bwe ren katok kake.

**\* Anij ej kōnono ippān armej.**



*Exodus 12:5 Ami lamb en weepān, rūttoun juon iio. Komnaaj bōk e jān sip ko ak got ko.*

Lamb in ej kakememej kōj kōn Jisōs Kraist, Lamb an Anij me e weepān. Kōn an ejjeļok An jerōwiwi, Ear maroņ in mej ilo jikōd, im Anij ej bōk An mej bwe en mej in kōllā kōn jerōwiwi ko ad. Ekkā wōt, ke raar debwāale armej, bwe en mōkaj lok aer mej, ri tariņae ro raar bwiļok neir. Bōtab ekkar nian Jon 19:32,33, raar jab bwiļok neen Jisōs. Ear mej āinwōt lamb eo e weepān kōn nana ko ad.

(2) Lamb eo ear aikuj in mej.



*Exodus 12:6 Im komnaaj kōjparok e mae raan eo kein ka 14 ilo allōņ eo, im aolepen jar*

*an ro ri Israel renaaj man e ñe e jota.*

Ro ri Israel raar aikuj kōjparok lamb eo mae iien Anij ear ba ren man e. Raar aikuj man e im katōrloḵ bōtōktōken bwe en jab mej maanje eo.

(3) Raar aikuj likūt bōtōktōken lamb eo iturin kōjām eo.



*Exodus 12:7 Im ren bōk jān bōtōktōkin, im likūt e ioon joor ko ruo in kōjām, im ioon aḷaḷ eo ilōñin kōjām, ilo moko ijo renaaj kañe.*

Kōn tōmak, raar aikuj likūt bōtōktōk eo iturin kōjām eo. Aolep armej raar aikuj kōmman men in. Jisōs ear mej kōn aolep, ak e jab jejjēt kūtien ñan kōj mae iien ad make tōmak ilo mej eo an Jisōs kōn kōj.

Armej ro raar jab likūt mani iturin kōjām ko, ak juon laajrak in jermal ko aer reḡman. Men eo wōt me ear loḡoreḡ er: bōtōktōk eo.



(4) Ejjeloḵ maanje an ro ri Israel ear mej.

Enjeḷ eo ear jab man maanje ro an ro ri Israel. Etke? Kōnke raar tōmak Anij im kōmman men eo Ear ba.



*Exodus 12:13, 27 Im bōtōktōk eo enaaj juon kakōḷḷe ioon moko ijo koḡ pād ie, im ñe Ij lo bōtōktōk eo Inaaj kijoone koḡ, im ejjeḷoḵ men in kaeñtaan enaaj iomi bwe en kōkkure koḡ, ñe Inaaj man āneen Ijpt. Koḡ naaj ba, ‘Ej men in katok kijoone an Jeova, Eo ear kijoone moko iḡñon ro nejin Israel ilo Ijpt, ke Ear man ro ri Ijpt, im kōtloḵ moko iḡwem.’” Im armej raḡ raar badikdik im kabuñ.*

Je jeḷā bwe eḷaññe jej lōke bōtōktōken Jisōs ñan kōḷḷā oḡean nana ko ad, innām Anij ej joḷoḵ ad bōd im bōk kōj, im je ban mej jān lañ.



*Jon 3:16-18, 36 Bwe kōn an Anij yokwe laḷ, Ear letok juon wōt Nejin Ear keotak, bwe jabdewōt eo ej lōke E en jab jako, a en mour indeeo. [17] Bwe Anij ear jab jilkintok Nejin ñan laḷ bwe En ekajet laḷ, a bwe laḷ en mour kōn E. [18] Jab ekajet eo ej lōke E; a eḡōj ekajet eo e jab lōke E, bwe ear jab lōke etan juon wōt Nejin Anij ear keotak. [36] Eo ej lōke Nejin, mour indeeo an; im eo e jab lōke Nejin e jāmin lo mour, a illu an Anij ej pād ioon.”*

**5. Ke pris eo eḷap ear likūt bōtōktōk ioon jikin tūriamo eo, Anij ear juḷoḵ bōd ko an Israel.**

Ke eḡōj an Anij loḡoreḡ armej ro jān Ijpt, Ear tōḷ er ilo āne jemaden ñan āne in kallimur eo. Ke raar pād ilo toḷ Sainai, Anij ear jiroñ er bwe ren kōmman juon mōn kōppād, jikin kabuñ ñan E.

Juon katen ilo juon iiō, pris eo eḷap ear deḷoñ ilo ruuḡ eo e kwōjarjar otem kwōjarjar. Ear bōk juon jāpe ippān im elōñ bōtōktōk lowan. Ear kabūtūktūk jikin tūriamo eo, me ear pād ioon tōptōp in Jeova, kōn bōtōktōk eo bwe Anij en juḷok bōd ko an Israel.

Ilo ḡool, bōtōktōken menninmour ko ear jab maroñ kōllā oḡean nana ko an armej.



*Hibru 10:4 Bwe bōtōktōkin kau koḡaan im got ko e ban jeorḷok jerḡwiwi ko.*

Bōtab, men in ear katakin armej bwe iaḷ ñan Anij ej kōn an wor mej kōn er.

Ilo ḡōn kōppād eo, im tokālik ilo tempel eo, ear wor juon roñel nuknuk, juon katiin, me ear kōjepel armej jān ruuḡ e kwōjarjar otem kwōjarjar. Men in ear ñan katakin armej bwe re jepel jān Anij kōnke er ri jerḡwiwi. Ke Jisōs ear mej ioon debwāāl, Anij ear potak roñel eo. Eḡōj kōllā oḡean jerḡwiwi ko an armej, im kōn men in, re maroñ kepaak ñan E kiiō. Eḡōj an Jisōs kōllā aolepen; ejjeḷok likjab. E jokwane Anij.



*Mark 15:37,38 Im Jisōs ej lamōj im eḷap ainikien, im kōtḷok An. Im roñel in tempel e potak im ruo ḡōttan, jān lōñ ñan iaḷ.*

Jen jab lōke men ko jej kōḡḡane. Jen jab lōke ad mare, ad jar ippān ri kaki, ad jermal ñan Anij, ak men ko jet. Jen lōke wōt mej eo an Jisōs, bwe men in wōt e bwe. Jān jinoin Bible ñan jemḷoken, Anij ej katakin armej bwe re bane wānōk an Anij. Ejjeḷok men re maroñ kōḡḡane ñan kōllaajrak er ñan Anij. Bōtab e bwe mej an Jisōs. Ear kōllā oḡean aolepen nana ko ad. Aolep ro rej errā ippān Anij bwe er ri nana im ri ban, im rej lōke tokjān mej an Kraist, Anij ej ḷoḡoḡoren er.

---

Kajjitōk ko:

1. Ke Adam im Iv raar kile bwe raar koleiāt, raar kōḡḡan ta?
2. Anij ear ḷōḡḡak ta kōn men eo raar kōḡḡane?
3. Erri men ko je maroñ kōḡḡani bwe Anij en bōk kōj?
4. Etke Anij ear bōk Ebel ak jab Kein?
5. Ta eo Jon ri Peptaij ear ba kōn Jisōs ke ear lo E (Jon 1:29)?
6. Ear wor jete kōjām in wa eo waan Noa?
7. Ewor jete iaḷ ñan aelōñ in Anij?
8. Ke ro ri Israel raar kāālōt lamb ko ilo iien aer pojak in diwōjḷok jān Ijipt, ear aikuj āin de et lamb ko?
9. Enjeḷ in mej eo ear kijoone ḡoko iḡōn ro ri Israel ke ear lo ta?
10. Ewi wāween an men in kakememej kōj kōn mej an Kraist?
11. Etke ear potak roñel nuknuk eo ilo tempel eo ke Jisōs ear mej?
12. E bwe ke mej an Kraist ñan kōllā oḡean nana ko, ak ewor jet jermal jej aikuj kōḡḡani bwe Anij en bōk kōj?